



**Quæstionum Canonicarum, In Quinque Libros  
Decretalium, Tomus ...**

In Librum II. Decretalium, Per Triginta Titulos Distributum, In Quo Agitur  
De Judiciis, Foro Competenti, Libelli Oblatione, Mutuis petitionibus, ...

**Krimer, Ferdinand**

**Augustæ Vindelicorum, 1708**

Articulus I. Quid, & quotuplex sit exceptio?

---

[urn:nbn:de:hbz:466:1-73001](#)

## QVÆSTIO XXV.

## IN TIT. XXV. DE EXCEPTIONIBUS.

2185. Postquam actum est de probationibus in genere, & specie, quibus Actor intentionem, ac petitionem suam firmare potest, & debet in judicio, ut, quod ab Adversario petit, obtineat; agitur nunc de quibusdam subsidii jure receptis, quibus Reus contra intentionem Actoris, & probationes ejus, se tueri, ac judicialiter defendere potest; inter ea porrò est exceptio, quæ communiter dicitur, *actionis exclusio*, de qua in praesenti titulo.

## ARTICULUS I.

*Quid, & quotuplex sit exceptio?*

2186. Supponendum. 1. exceptionem derivari à verbo *excipere*, quod idem est, atque *demere*, vel *eximere numero*; &c, ut sic, idem valet atque *demptio*, vel *exemptione*: in qua Latina significacione dicitur: *exceptio firmat regulam*. Apud Juridicos *exceptio* latè accepta est *defensio*, per quam se Reus defendit ab auctore juxta Azon. in summa, C. de *except.* & dividitur in exceptionem *impropriam*, & *propriam*. *Impropria*, quam alii vocant exceptionem *facti*, alii exceptionem *intentionis*, de qua ff. h. t. L. 1. in princ. & L. 2. q. illud, Reo competit, quando nulla Actori competit actio, ut quando sine actione calumniosè petit: cùm enim tunc nulla vera sit *actio*, nulla potest dici *actionis exclusio*, proindeque exceptio *impropria* est: & solum dici potest *contra intentionem Actoris defensio*.

2187. Supponend. 2. exceptionem propriam, quæ appellatur *exceptio juris*, esse *defensionem*, quæ competit Reo contra actionem competentem in eum, & sic vocatur *actionis exclusio*: ut, si petis à me debitum, & ego excipo, quod remisisti mihi, vel quod fecisti mecum pactum de non petendo, vel quod non venit dies præfixus: utramque optimè exponit. Molina tr. 2. D. 60. init. his fere verbis: *exceptio, in-*

*quit, propriè loquendo, est oppositio, quæ actionem, seu item aliquam intentanti opponitur: sive lis, & actio ea omnino impediatur, ac cesset, sive non cesset, sed retardetur solum, dummodo tamen intentio, seu fundamentum, in quo actio, & lis fundatur, non negetur: tunc enim propriè non diceretur exceptio, sed generali vocabulo appellaretur *defensio*: ut, si Petrus actionem, seu item adversus Paulum intenter, petens, *sibi solvat centum aureos pro equo*, quem illi vendidit: sanè intentio, & fundamentum hujus actionis est *venditio equi*. Si ergo Paulus reus Petro Actori opponat, *se non emisse ab eo equum*, non propriè dicetur *excipere*: eo quod intentionem, ac fundamentum actionis neget; sed dicetur, *se defendere*: probatioquè ejus, quod opponit, & negat, ad Actorem pertinebit. At vero, si opponat, *se jam solvisse illi pretium*, dicitur propriè *excipere*: quia non negat actionis intentionem, ac fundamentum, sed excusationem objicit, nempe, quod solverit pretium: & tunc probatio exceptionis appositæ ad Reum spectat.*

Suppon. 3. in lite ordine ad exceptionem propriè dictam, quandoquè intervenire replicationem, duplicationem, ac triplicationem. Replicatio, ut declarat. Specul. tit. de *except.* §. multum, est exceptionis factæ exclusio, proindequè est quædam exceptio competens Actori contra exceptionem Rei; illam enim semper opponit Actor. Contra replicationem actoris datur duplicatio Reo, sic videlicet dicta, quia Reus exceptionem duplicat. Iterum contra duplicationem Rei datur Actori triplicatio, & sic in infinitum; Instit. eod. in princ. de *Replic.* Igitur ita se habent ad exceptionem Replicatio, Duplicatio, & Triplicatio, ut omnes convenient in ratione communi exceptionis, differant vero, quod replicatio, & triplicatio competent Actori, at prima exceptio, & duplicatio competent Reo. Quibus positis:

Ad

2189. Ad 2. partem tituli Resp. exceptionem propriè dictam esse multiplicem; alia enim vocatur dilatoria, alia peremptoria, alia perpetua, alia temporalis, alia anomala. *Dilatoria est*, quæ causam differt; *Instit. eo tit. §. Appellantur*; ut si opponas, inquit Lessius l. 2. c. 6. D. 1. *Judicem, non esse competentem, testes infames, actorem excommunicatum.* Unde est triplex: nam quædam est *dilatoria solutionis*, & sapit istam naturam, ut respiciat actionem nimis tempestivè intentatam: & debet opponi ante litis contestationem, sed probari post litis contestationem: proindequè vocatur exceptio *prefestationis*; quædam *dilatoria judicii*, quæ opponitur propriè ad impediendum iudicium ante litis contestationem, & probatur tanquam præjudicialis: ex quo venit expedienda ante litis contestationem: quædam est *declinatoria fori*, quando scilicet Reus opponit, *Judicem non esse competentem. Peremptoria* si appellatur, quia actionem, vel intentionem agentis perimit, seu extinguit: ut, si quis accusatori opponat, *se mandato Principis fecisse, vel ante solvisse*, quod petitur. Unde sicut dicitur terminus *peremptorius* à perimendis dilationibus, teste Sanchez l. 10. D. 6. n. 12. ita dicitur exceptio *peremptoria* à perimenda actione, vel dilatione.

2190. *Perpetua est*, quæ perpetuum habet effectum, hoc est, ita semper habet locum, ut nullâ litis parte evitari possit. Cùm verò rem, de qua agitur, seu rem principalem perimat, ad peremptoriā spectat, qualis exceptio doli mali, rei judicatae, jurisjurandi, pacti Conventi de non petendo in perpetuum. *Temporalis* dicitur omnis dilatoria, utpote quæ ad tempus actionem differt, proindequè solum ad tempus utilis est: ut, si convenias me coram Judge *non meo*, & ego excipiam, me non esse de ejus iudicio, ac foro. *Anomala* dicitur, quæ non sequitur normam aliarum: quia potest opponi ante litem contestatam, & post litis contestationem: qualis exceptio excommunicationis, exceptio matrimonii, non numeratae pecuniae, non numeratae dotis, & plures aliae; *Instit. de except. §. appellantur; ubi Speculat. & Hostiens. Præposterationis exceptio* datur, quando opponitur, aliud iudicium debere præcedere, ut quando causa

vel actiones ita se contingunt, ut sequens iudicium prematur per sententiam prioris iudicii, v. g. si petam à te, quod dividat hereditatem, & tu excipias, quod non sum heres: sunt enim ibi duo iudicia, nempe *divisorium hereditatis, & an sim hares*? Exceptio pacti habetur L. 3. ff. *de rescin. vendit. juxta gloss ibid.* & idem est, atquè exceptio facti, seu intentionis, & non juris; unde pactum ibi accipitur pro *facto*; Alex. Scot. V. eod. dixit, ibi sumi exceptionem pro *pactione*. Sunt etiam exceptiones aliae odiosæ, ut *Macedonianæ* aliae favorabiles, ut *Vellejanæ*, quæ videntur competere ex privilegio Macedoniaño, & Vellejano; aliae *in rem*, aliae *in personam*, de quibus ff. eod. demum nota, exceptionem *rei judicatae* non posse opponi, nisi quando sit super una, & eadem re, & quando est ex eadem re, & quando est ex eadem causa, & eadem persona, quibus positis:

2191. Pro ampliori intelligentia not. 1. de exceptione propriè dicta de rigore loquamur, eam esse quandam infractionem alicujus conditionis, quæ deberet subesse, ut Actor in petitione sua efficaciter procedat. Cùm enim (si Actor in iudicio dicit Titio: *peto à te centum, quos tibi mutuo dedi*) ut actio efficax sit, deberet simul cum veritate dici posse: *peto à te centum, quos tibi mutuo dedi, quos nondum solvisti*; vel, *quia nullo dole, aut metu te induxi*; vel, *quia tibi nunquam remisi*; aut, *quia nunquam pactus sum, de non petendo*. Si enim Reus excipiendo opponat illi contrarium, v. g. *quia jam solvi*, aut, *quia condonasti, &c.* probata tali exceptione, inefficax redditur Actoris petitio. Nam inefficaciter petit solutionem debiti, cui legitimè ostenditur, jam solutum, aut extinctum condonatione, vel alia via juris legitimâ; nam, ut efficaciter petatur solutio debiti, supponi debet, tanquam conditio necessaria, quod adhuc extet, nec extinctum sit; si ergo probetur contrarium (quod fit excipiendo, & opponendo, debitum jam esse extinctum) adeoque decire dictam conditionem, citra effectum petitur solutio.

2192. Hinc exceptio etiam describitur, quod fit affirmatio alicujus, v. g. doli, metus, pacti, conditionis, cuius absentia de necessitate requiritur, ut teneat actio; ex

Cccc 3

hac

hac descriptione statim etiam apparet, quo sensu verum sit, quod dicitur *L. i. ff. h. t. agere etiam is videtur, qui exceptione utitur; nam Reus in exceptione Actor est.* Si enim Actori, petenti solutionem debiti, ex mutuo contracti, Reus opponat, *jam solutum*, in re afferit adesse aliquid (nempe solutionem jam factam) cuius absentia necessaria est, ut illius debiti solutio efficaciter probetur; securus enim iusta foret petitio solvendi debiti, quod jam solum est; ut igitur Reus efficaciter Actoris intentionem elidat per assertionem jam factæ solutionis; eam probare tenet; & hoc sensu eoipso dicitur, *in se recipere onus probandi*, quod hic idem est, ac *agere.*

2193:

Dices: dantur quædam exceptiones (ut *dilatoria*, *fori declinatoria* &c.) quæ nullam conditionem affirmant, cuius absentia necessaria foret, ut firma sit Actoris petitio; deinde, si omnis exceptio affirmaret conditionem, cuius præsentia elidit actionem, nunquam persecutio, qua experititur Actor, foret iusta; cuius tamen contrarium dicit Imperator statim in principio *Institut. b.t.* Resp. quod per exceptionem dilatoria Reus obtineat, actionem differri in aliud tempus: per fori declinatoriam, transferri ad alium Judicem; ergo etiam istæ habent, quod excludant actionem, non quidem simpliciter, ut *peremptoria*; sed ab hoc tempore, vel ab hoc foro. Ad alterum Resp. dici *iustam* civiliter, quatenus jure civili permittitur intentari, salvo tamen jure naturali, favente Reo, ut se defendere valeat, ne scilicet summus rigor juris civilis, seu summum jus, evadat summa injustitia, etiam contra naturalem æquitatem, cuius intuitu exceptiones *Pratoria* dantur.

2194:

Not. 2. inter exceptiones dilatoria quasdam esse, quæ dicuntur *declinatoria fori*, & respiciunt personam *Judicis*, & opponuntur illi propterea, quod vel sit incompetens, & jurisdictione careat vel in Reum eorum illo conventum: vel in causam, aut rem, super qua litigatur, *L. ult. ff. de jurisdictione.* & constat ex tit. 2. de foro Compet. hoc libro; vel, quod sit suspectus parti, seu Reo conuento, quæ exceptio dicitur *exceptio recusationis*; de qua hic

agimus à n. 2900. &c. constat ex *L. Apertissimi* 16. *C. de judic.*

Alias, quæ respiciunt personam *Litigantis*, eo fine, ut repellatur ab agendo, quando scilicet non habet legitimam personam standi in judicio, de quo diximus tit. 2. à n. 15. alias, quæ respiciunt personam *Procuratoris*, repellendo illum propter defectum aliquem, v. g. quod sit inhabilis ad tale munus; vel quod careat mandato legitimo; alias denique, quæ respiciunt *causam*, ut si Reus Actori opponat exceptionem spoliationis, consequenter ei respondere non teneatur, ante factam restitutionem; vel, quod libellus ineptus sit, quod lis adhuc pendeat, &c.

Not. 3. inter exceptiones quasdam esse *personales*, alias *reales*, ut colligitur ex *L. Exceptiones* 7. ff. h. t. *Personales* sunt, quæ Personæ dantur, eamque non egrediuntur; ideoque hæredibus excipientis non conceduntur, multoque minus extraneis personis, pura fidejussionibus ejusdem; *reales* vero, quæ rei coherent, eamque sequuntur; ideoque etiam transirent ad hæredes, & fidejussiones, iisque competit; ut est exceptio rei judicariæ, doli mali, quod metus causa factum est, item pacti in rem, sive ut nullo modo debitum peratur, cit. *L. junct. gloss. margin.*

Not. 4. præter dictas exceptiones, adhuc in dicta *L. Exceptiones*, afferri alias quatuor, quæ quidem *personales* essevidentur, quia certo personatum generidantur: ratione tamen materiae, *mixta reatu* dicuntur; quia non intuitu solius personæ, sed etiam ratione causæ dantur, & competunt. Prima est exceptio *Senatus consulti Vellejan*, per quam succurrunt mulieribus, si per suam intercessionem, seu fidejussionem lardantur, toto tit. *ff. & C. de Senatusconsulto Vellejan.* eaquæ etiam fidejussionibus competit, cit. *L. 7. & L. se mulier 16. §. si ab ea. ff. ad Senatusconsulatum Vellejan.* Secunda exceptio *operarum*, quas Patronus liberto suo in manumissione ejus imponit, eaquæ datur liberto, ejusque fidejussionibus, ut non teneantur eas operas præstare, quippe quæ onerandæ libertatis causa sint impositæ, cit. *L. 7. ff. h. t. & L. i. §. quæ oneranda, & c. exceptionem, ff. quarum rerum actio, &c.*

Ter.

2197. Tertia est, quæ datur filiofamilias, sine consensu patris, mutuum accipientis ex Senatusconsulto Macedoniano; si enim ex eo conveniatur, & ipsi, & fidejussori ejus competit hæc exceptio, cit. L. 7. quarta exceptio *restitutionis in integrum* competens Minori 25. annis; nam, & hæc mixta est, & datur etiam ejus fidejussori, si is dolo Adversarii deceptus sit; secus si sui facilitate, cit. L. 7. juncta gloss. V. idem dicitur, juxta L. in causa 16. ff. de Minorib. alia denique dicuntur *civiles*, quod inductæ sint à jure civili, ut juramenti, rei judicatæ, fori declinatio, &c. alia *Prætoriae*, quod à Prætore propter naturalem æquitatem, ut exceptio doli, metus, &c.

## ARTICULUS II.

## De quibusdam exceptionibus in particulari.

2198. **A** Gemus hic solum de illis, quas ipse Imperator in *inst. b. t.* proponit, ut appareat naturalis æquitas *Exceptionum*, quibus Reis in judicio conventis subveniuntur; cum enim saxe contingat, quod quis metu coactus, dolo inductus, vel errore lapsus, alteri quid promittat; & super eo præstanto in judicio conveniatur, succubitus in causa contra naturalem æquitatem, nisi ei concessum foret, Actori opponere metum, dolum, errorem, quo stante multum infirmari potest actio; & Reus ex quo se tueri, merito ejusmodi exceptiones ad inventæ sunt, ut cuique jus suum indemne servetur; vel, si læsum est, reparetur; id, quod proprium *justitia*, cuius Sanctas leges in judicio defendere, ac observare, vi sui munericis, in conscientia tenetur; his præmissis:

2199. Quinquæ species exceptionum loco cit. enumerantur. 1. est exceptio, quod metus causæ; quod contingit, cum in judicio aliquid à Reo petitur ex aliquo actu positivo, vel negativo, ad quem injustè coactus est metu gravi, coactione conditionata, pluribus expositâ L. 4. *decret.* à num. 389. Circa istam exceptionem not. hanc non concedi filio contra parentem, in cuius potestate est, sic enim habetur in L. 4. Q.

*fin. ff. de doli mali*, & metus except. ibi: illud sciendum est, banc exceptionem de Metu cum oblicere debere, qui metum non à parente passus est, in cuius fuit potestate. Deinde exceptio doli, & metus causæ æquiperantur in jure, quoad vim excipiendi, ex dict. L. 4. & §. 29. Metus causæ exceptionem *Cassius* non proposuerat, contentus doli exceptione, quæ est generalior: sed utilius visum est, etiam de metu opponere exceptionem; sed exceptio doli non datur erga parentem: ex cit. L. 4. §. 16. ibi: si autem non ex peculiari causa de dolo excipiatur; tum de eoduntaxat excipi oportet, qui admissus sit in ipso negotio, quod geritur: ergo nec datur exceptio quod metus causa contra parentem. Unde, quando dicitur, exceptionem doli non competere filio contra parentem, non est propterea, quod pariat infamiam juris; sed quod etiam quandam boni nominis fugillationem apud homines, ut constat ex cit. L. 4. §. 11. ibi: *adversus parentes, patronos vè, nequè doli exceptio, nequè alia quidem, quæ Patroni, Parentis vè opinionem apud bonos mores fugillet, competere potest;* opponere autem, aliquid per parentes injusto metu à filio extortum esse, fugillat famam eorum apud homines; ergo.

2200. Altera species exceptionum inibi adducaturum est exceptio doli mali; propter quem Reo (si fortasse læsus est in contractu, qui tamen propter interventum doli non sit ipso jure nullus) succurritur, recindendo ejusmodi contractum, probato dolo; quia vero sine dolo malo potest aliud agi, aliud simulari, ut habetur L. 1. ff. de dolo malo, sicut faciunt, qui per hujusmodi dissimulationem tacentur sua, vel aliena; ex simulatione non rectè probatur dolus; *bunc enim ex indiciis perspicuis probari convenit*, ut dicitur L. 6. C. de dolo malo. Ceterum, qui æquitate defensionis infringere actionem potest, exceptione doli mali tutus est per L. 12. ff. de doli mali except. & ideo vocatur exceptio generalis, & latissime patet; opponique potest non tantum, si ante actionem intervenit; sed etiam, si in ipsa intentione actionis. Tametsi autem actio de dolo malo infamet Reum, si exinde condemnatur, ut dicitur L. 1. ff. de his, qui notantur infamias, non